

TIAK TE KAX'ĀMI'

1 ¹Ūgmūn Tiak. Topa pu 'āte hāpxopmāhā', xix yūmūg xuxyā Yeyox Kunnix pu 'āte hāpxopmāhā', tu Topa yōg tikmū'ūn te hāpxexka xohix tu' pip xop pu 'āneo.

'Ākuxa yūm ka'ok, nūy tu hāmyūmmūg

²Ūkxape xop, 'ākuxa hittup 'ihā 'āxūy xexka', ³yā 'ākuxa mām ka'ok, hu' xūy'ax hā' tot, nūy Topa yōg putat xak hok, ⁴nūy 'āmōg kuma 'āmōg, nūy Topa hā 'āxiptap xop, nūy tu hāpxopmā max xe'e'. ⁵Tikmū'ūn te hāmyūmmūg hok, puxix Topa tu' xax, pu tu hāmyūmmūgā', ha Topa hittup, tu hāmyūmmūgā punethok, tu mōktu xohix, yā Topa mūn max, tu' hok hā tikmū'ūn xohix pu hāmyūmmūgāhā', ⁶yīy ta tu' xax, 'ihā 'ākuxa yūm ka'ok 'ōm kopah, tu 'ikopit hok. Tikmū'ūn kuxa yūm hok te kōnāg xexka mahap'ax putuk, tu' kuxa kopa mahapnām, tu' yūm 'ohnāg. ⁷Topa te nōm xop pu hāmyūmmūgā 'ohnāg, ⁸'ūpu'uk hah, 'ap-tox puxet'ah Kunnix putox mūtik, 'ap hāpxopmā'ax yūmmūg'ah.

'Ūp-texop xexka xi' hok xop

⁹Pūyāk xape hok hittup, 'ihā Topa te nōm ha hāmaxnāhā'. ¹⁰Pūyāk xape tup-texop hittup kamah, 'ihā Topa te hāmhōgnāgāhā'. Yā' yōg tayūmak yāyxaogā'ax, tu mōktu' xok, tu mīnnut puxet putuk, 'ūhok tu'. ¹¹Māyōn ka'ok, tu mīxux mō'hap, ha' nak, tu tapmāhā', yīy mīnnut nāhā hām tu', tu' mām, tu' nōg, ha kaxīy 'ūp-texop xexka xok.

Hāpkummugā'ax

¹²Tikmū'ūn xūy, puxix Topa yōg putat xax hok, pāyā' kuxa hittup. Yā Topa te hāpxopmā'ax xohix kopit, tu' kopit kux, 'ihā 'ūhīnnā xe'ēgnāg, tu ta tu hām'āktux xex, nūy hīnnā', Topap-tup pax hah. ¹³Pūyā tikmū'ūn Topa kupex hok, 'ihā hāpkummuk mīy putup, 'ihā' xūy'ax hā' tot putup'ah, hu: "Topa tek xapit, 'ū hāpkummuk mīy," kaxīy. Yā' koit. Topa te hāpkummuk mīy 'ohnāg, tu tikmū'ūn xapit 'ohnāg, puyīy hāpkummuk mīy. ¹⁴Pa tikmū'ūn te hāpkummuk mīy, 'ūp-tup tu' mīy, tu yā mō'āmā', nūy mīy. ¹⁵Tu hāpkummuk pe'paxex, tu' mīy putup, hu hāpkummuk mīy, tu' mīy pax, tu mōktu' xok, tu Topa hā' puknōg xe'e'.

16'Ūkxape xop, yāy pu koit hok. 17Topa te māyōn xop xohix mīy, tu' māynāg mīy pexkox tu', yā pexkox yōg hāpxop xohix māynāg. Yā hāmmax xohix Topa te' mīy, tu pexkox tu yūmū'ā hāmmaxnāhā'. Yā Topa mūn max xe'ēgnāg, tu yā yīnmūn, tu yāy yānān 'ohnāg, xix yāyhā' nōy 'ohnāg kamah. 18 tu yūmūg putup, hu' xat, pu yūmūg tut yūmūg put, tu hāpxe'e 'āktux, ha yūmūg kuxa mām ka'ok nōm hām'āktux kopah, ha yūmūg xe xanāhā', 'ūyīy yūmūg yāyhā Topak-tok xop te māxap, pu hāpxop nōy xohix Topa hāk-nāy tu' xop.

Hām'āpax, nūy hāpxopmā max

19'Ūkxape xop, 'ūxaxok hok: 'Ānōy yōg hām'āktux 'āpax punethok, nūy hām'āktux kutōgnāg, yā 'āgāy hok. 20Tikmū'ūn gāy, puxix hāpxopmā kummuk, ha Topa tep-tup nōg, hāmyok mīy'ax putup tu'. 21Yīy hāpkummuk mīy hok, xix hāpxopmā kummuk hok, yāy mūn kutōgnāg pe'āpaxeh, yā Topa yōg hām'āktux te 'ākopa' xip, yīy 'īpkox pi', nūy 'ākuxa hi xe'e'.

22Yāyhā 'āmō'āmā hok. Topa yōg hām'āktux 'āpax, xa 'īpkox pi', nūy hāpxopmā max. 23Tikmū'ūn te nōm hām'āktux 'āpak, tu' yīpkox hok, puxix tikmū'ūn hāmyūmmūg 'ohnāg putuk, ha 'īypex hā tute yāy pēnāhā', tu yāy pa pēnāhā', tu hāmyūmmūg: Yā yāy pa xe'e', 24pa putpu' mōg, tu yāy pa xaxok, ha' kux. Ha kaxīy tikmū'ūn te hāmyūmmūg hok te Topa yōg hām'āktux xaxok. 25Pa tikmū'ūn te hāmyūmmūg, tu' xat'ax max xe'ēgnāg 'āpak, nūy hāmyūmmūg max, puyi' māynāg mīy, puxi' xat'ax hāmyūmmūgā', puyīy tu' hi' xe'e. Topa te nōm tikmū'ūn ha hāmmaxnāp-tup.

26Tikmū'ūn te: "Ūgkuxa te Topa xak," kaxīy, pāyā' yīy kummuk pax, puxix tu Topa xak 'ohnāg, tu yā yāyhā mō'āmā', 27Pa tikmū'ūn te Topa yūmūg Tak xak xe'e', puxix 'ūn hok mām xop hā tu tehet, xix kaxxop yāy tak pip hok xop hā tu tehet, nūy nōm ha hāmmaxnā', tu Topa hā' puknōg xop yōg putat kummuk xak, nūy Topa yōg putat hā' mōg kuma' mōg.

'Ūxohix yā yāy putuk

2 1'Ūkxape xop, 'ākuxa mām ka'ok yūmūg xuxyā Yeyox Kunnix kopah, ha' max xe'ēgnāg, yī' hok xop xix 'ūp-texop xexka putup pax, yā' nōy putuk yūmūg xuxyā pu'. 2Pa tikmū'ūn yāg te' hok xop putup nōg, tup-texop xexka putup pax, hap-texop te 'āxop mūtik yāy tu nū'nāhā' tu' xax max mō'tat, tu pipkup kōnāmōg tat yīpkutok hā', ha tik hok nūn, kamah, tu' xax kummuk mō'tat. 3Pe 'āxop tep-texop pu: "Yūhūm, nūy nū mīpe max yīmū yūm," kaxīy. Tu' hok pu: Pe yīy 'āknīhā xihip 'ōnte', pe yā hām tu yūhūm," kaxīy. 4Puxi', 'āp-tox 2 'ānōy hā, yā 'āxop hā yāy putuk 'ohnāg.

5'Ūkxape xop, 'ūg'āpax: Topa te' hok xop yīmōgātux, pu' kuxa mām ka'ok hamūn kopah, nūy yīpkox pi', 'īhā Topa te' xat, Topap-tup pax tu', yā Topa te hām'āktux xex nōm xop mūtik, 6ha 'āxop te' hok xop putup nōg, pāyā putexop xexka te xa hāpkummugāhā', tu tik pa te hāmyūmmūg ha

'āmōgāhā', nūy 'ākupeh, 7tu Yeyox Kunnix 'āktux kummuk, ha xa' hōm yāy'āxet'ax. Hap-texop te xa 'āktux kummuk, ha Topa te xa hāmmaxnaha'.

8'Āxat'ax pu yīpkox pi', puxix hāpxopmā max, ha' xat, hu: "Ānōy putup pax, xate yāy mūn putup pax putuk," kaxīy. 9'Āxop te hāmhok xop putup nōg, xīp-texop putup pax, 'ūxax pēnā tu', puxix Topa yōg xat'ax pu 'āyīpkox pip hok, tu hāpkummuk mīy, ha Topa te' kummuk 'āktux. 10Tikmū'ūn te Topa yōg xat'ax puxehnāg pu' yīpkox hok, puxix tu xat'ax xohix pu' yīpkox 'ohnāg. Yā Topa te' xat, pu' xat'ax xohix pu' yīpkox pi'. 11Ha' xat, hu: 'Āxonnix hok," kaxīy. Tu xe: "Ūp-tex hok," kaxīy. 'Ap xatep-tex'ah, pāyā' xonnix, puxix 'āyīpkox hok, tu' xat'ax koxyōy. 12Topa te 'ōg hāpxopmā'ax kopit'ax, yī' xat'ax pu 'āyīpkox pi'. Yā' xat'ax te yūm'ūā hāmyūmmūgāhā', 'ūyīy yūmūg hi xe'e', nūy hāpxopmā max. 13Topa te tikmū'ūn yōg hāpxopmā'ax xohix kopit putup, ha tikmū'ūn te' nōy kuxa ka hok, puxix Topa' ka hok xop kuxa ka hok 'ūyānān tu', pa tikmū'ūn te' nōy kuxa ka', puxix Topa te nōm xop pu hāpkummūgā hok.

'Ākuxa yūm ka'ok nūy hāpxopmā max

14'Ūkxape xop, 'ā' max'ah, yāy kuxa yūm'ax 'āktux, 'īhā 'ānōy te 'ōg hāpxopmā max pēnā 'ohnāg. Yā 'ākuxa yūm pu'uk, 'ap 'ākuxa yūm xe'e'ah. 15'Āxape xax kummuk, ha putup tep-tex, 16ha tu hāpxop hōm 'ohnāg, xix topixxax hōm 'ohnāg, pa: "Pūyā Topa xa hāmmaxnā', xayīy 'āxit max, nūy 'āxax max tat kamah," kaxīy, 17puxix 'ākuxa yūm pu'uk, 'īhā 'ānōy pu hāpxopmā 'ohnāg, 'ap 'ākuxa yūm xe'e'ah.

18Tikmū'ūn te: "Ākuxa yūm ka'ok, ha 'āte hāpxopmā max," kaxīy. Yīy 'āte: Tikmū'ūn te 'ākuxa yūm'ax pēnā hok, 'īhā xate hāpxopmā 'ohnāg. Pāyā 'āte hāpxopmā max'ax hā xa' mūg, xayīy pēnā', nūy tuk kuxa yūm ka'ok yūmmūg. Yā hāpxopmā'ax max hā tikmū'ūn te' pēnā'ax," kaxīy. 19'Ok 'ākuxa yūm ka'ok Topap-xehnāg kopah? Yā' max. Yāmīy kummuk xop kuxa mām ka'ok kamah, tu Topa yīpkutuk, tu yāy nuhuknām 'ūkuxānōg tu'. 20'Āptox ka'ok, tu hāmyūmmūg 'ohnāg! 'Ākuxa yūm ka'ok, 'īhā hāpxopmā max 'ohnāg, tu' hitop hā 'ākuxa yūm, 'ap puxi'ah. 21Tep te xīy Topa te mōnāyxop hittap 'Amanām max 'āktux? 'Amanām tek-tok 'Iyak hōm'ax, nūy kuxap hā mō'hap Topa pu', hu Topa te 'Amanām max 'āktux, 'ūyīpkox xip hah. 22Yūmmūg. 'Amanām kuxa yūm ka'ok Topa kopah, tu' yīpkox xip, tu hāpxopmāhā kamah. 23Yīy Topa yōg tappet te: 'Amanām kuxa yūm ka'ok Topa kopah, yī' kuxa tupmāhā', pu tu max," kaxīy. Ha Topa te 'Amanām hā' xape!. 24Yī' yūmmūg. Yā Topa te tikmū'ūn putup pax, 'ūyōg hāxopmā'ax hāp-tup pax, 'ūkuxa yūm ka'ok ha hāpxopmāhā', ha' kuxa tupmāhā'.

25Xotit Ha'ap te 'Iyaet yōg tik xop hā tu tehet, nōm xop te' puknōg yōg hām pēnā'ax, ha putat nōy ha' mōgāhā', puyīy tu nūmān, yīy hāpxopmā max, ha Topa tep-tup pax.

26Tikmū'ūn koxuk te' yīn nīm, puxix tikmū'ūn tu xok, hā kaxīy tikmū'ūn kuxa yūm ka'ok, tu hāpxopmā hok, puxi' hi xe'e hok.

Tikmũ'un yõyxõg

3 ¹Ũkxape xop: 'Ap max'ah, tikmũ'ũn punethok te' nõy xop pu hãmyũmmũgã', 'ihã yã kotinnãhã' pip. 'Ũyũmmũgã'ax, puxix Topa' yĩkopit putup, nõy yũmmũg, pẽyã hãmyũmmũgã max, pẽyã hãmyũmmũgã kummuk. ²Yũmũg xohix te hãpkummuk mĩy, ha tikmũ'ũn yã yĩ'ax hã hãpkummuk 'ãktux hok, puxix 'ũmax xe'ëgnãg, tu yã mõgã max. ³Tikmũ'ũn te kãmãnok mõgãhã', tu pipkup kohe te kamãnok yĩkox kopa' xip hã mõgãhã', pu mõg, ha yũmũ'ãte yĩmũ' mãm, nõy nõ mõg. ⁴Kamah mĩpkox xexka te kõnãg yĩmũ mõg, ha 'ãmuuh ka'ok te' mõgãhã', pa tikmũ'ũn te mĩm kutõgnãg hã' mõgãhã, nõy nõ hãpkux xuhmĩy yĩmũ 'ãpep hãmnak hah. ⁵Ha tikmũ'ũn yõyxõg kaxiy, 'ũk-tõgnãg, pãyã 'üyiy'ax te hãpxopmã xexka'. Kuxap kup kutignãg, pãyã hãmhipak xexka mõ'xut xexka', ⁶hã kaxiy 'üyõyxõg kutignãg, pãyã' yiy'ax te hãpkummugã xexka', tu Hãmgãyaygnãg yõg kuxap gãy putuk, tu' nõy kuxa tuknõgãhã', tu mõktu kummugã xexka', 'ũxupmãhĩy kummuk tu'. ⁷Tikmũ'ũn te xokxop xohix mũg'ax xix putuxnãg, xix xokxop yã hi xip mũg'ax, xix xokxop yĩkũy mũg'ax, xix mãm xohix mũg'ax, ⁸pa tikmũ'ũn te' yõyxõg 'ũm mũg hok, puyiy tu yiy kux, 'ũkummuk hah, tu kãyã gãy yõyxõg putuk, tu' yiy'ax hã' mõy putex. ⁹Yũmũ'ãte yã yiy'ax hã yũmũg Tak Topa max 'ãktux, xiknõy mãnõg, hu: "Pũyã Topa xa hãpkummugã'," kaxiy, tu' mãnõg, yã Topa te' hep xop xohix mĩy yãymũn putuk, ha yũmũ'ãte' xaxok.

¹⁰Tikmũ'ũn yiy'ax 2, tu Topa pu hãm'ãktux max, 'ihã' nõy pu hãm'ãktux kummuk. 'Ũkxape xop, kaxiy 'ãktux hok! ¹¹Kõnãg xupup kox puxet te kõnãg xut, ha kõnãg puxet, pẽyã' xuxpex, 'ok pẽyã' kohãgnãg, tu kõnãg 2 'ohnãg, pap-xet. ¹²Tikmũ'ũn te xupxak xut hok tepta kup tu', tu gõyap xut hok nanũy kup tu'. 'Ãmhok! Yã kaxiy kõnãg kox kummuk tu kõnãg xuxpex tat 'ohnãg.

Hãmyũmmũg xe'e'

¹³Piyã' xip tikmũ'ũn te hãmyũmmũg? 'Ok xip 'ãxop kopa'? Pũyã hãpxopmã max, tu yã mũn kutõgnãg pe'paxeh, nõy hãmyũmmũg xexka'. ¹⁴Pa 'ãyipkumiy hok, tu yã mũn xexka pe'ãpaxex hok, xi' koit hok, nõy mõ'ãmã hok, puyi' nõy 'ãpe'paxex, hu: "Yã 'õhõm te hãmyũmmũg!" kaxiy. ¹⁵Yã hãpxopmã'ax kummuk te yãmĩy xop kummuk yõg hãmyũmmũg'ax putuk, xix xokxop yõg, xix Topa hã' puknõg xop yõg hãmyũmmũg'ax putuk. Yã' kummuk. ¹⁶Tikmũ'ũn kummuk te yã mũn pe'paxex xexka', tu' yĩpkũmĩy, tu tikmũ'ũn xohix kummugãhã', tu' mõgã kummuk, yiy hãpxopmã kummuk punethok. ¹⁷Topa te pexkox tu' xip, tu hãmyũmmũg xe'ëgnãg, tu yã yõg tikmũ'ũn pu hãmyũmmũgãhã', puyiy tikmũ'ũn kuxa tu tup, puyiy yãytuk-mĩy kuxyã', puyi' kuxa yũm, ha Topa te hãmyũmmũgãhã', nõy hãmmaxnã', nõy tikmũ'ũn hã' xape', tu' kuxa ka', puyiy hãpxopmã max 'üyãnãn tu', ¹⁸ha' kuxa yũmmãhã', puyiy hãmyok mĩy pax.

Topa hã' puknög xop yã 'ãxape hok

4 ¹Teptu yãy tuk-mïy 'ãnöy mütik? 'Ãxop te yãy putup'ax kummuk mïy, tu yãykix. ²Tu hãpxop putup xüy, pãyã' pa hok, hup-tex putup, nüy nöm hãpxop pa', tu 'ãnöy yög hãpxop putup, 'ap pa yümmüg'ah, hu yãykix, tu Topa tu' xak 'ohnäg, pu xa' hóm. ³Xate Topa tu' xak, tu' pa 'ohnäg, 'üxak kummuk tu'. Tu' xak, nüy yãy putup'ax mïy. ⁴'Ãxop te Topa nïm'ax. Topa hã' puknög xop te Topap-tup nög. 'Ok yümmüg hok xate'? 'Ãxop te nöm puknög xop hã 'ãxape', hu ta Topa hã 'ãpuknög kamah. ⁵Topa yög tappet te tikmü'ün kuxa 'ãktux, tu' hitop tu' xuktux 'ohnäg, hu: “Topa te tikmü'ün kuxa mïy, ha' yïpkümüy, tup-tex,” kaxïy, ⁶Pa Topa ka'ok xe'ëgnäg, tu tikmü'ün kuxa ka'ogähä', yã Topa yög tappet te xe: “Tikmü'ün yãy mün xexka pe'paxex, puxix Topa putup nög, pak-tögnäg xop pu hãmmaxnähä', nöm xop yãymün kutögnäg pe'paxex ha hãmmaxnähä',” kaxïy. ⁷Yïy 'ïpkox pi Topa pu', nüy Hãmgäyagnäg yïpkutuk hok, nüy nöm mütik kumïy, ha' xupap-tup. ⁸'Ãxop yã hãpxopmä kummuk xop, 'ãpu Topa hã mög, nüy yïka hã' pip, ha 'ãha' nün putup, nüy 'äkuxa kummuk xit, nüy kuxa max mö'tat 'üyänän tu'. Hãpkummuk mïy kux, 'äyïm pix putuk, nüy 'äkuxa tup, nüy 'ãmax, nüy 'ãp-xet Topa kuxa mütik, ⁹'Ãkuxa hittup hok, nüy pota punethok, nüy hãpkummuk mïy kux, ¹⁰tu Topa tu' xax, pu mö'ãniynäm, nüy 'ãka'ogã', ha 'ãxexkanãp-tup.

'Ãnöy 'ãktux kummuk hok

¹¹'Ükxape xop, 'ãnöy 'ãktux kummuk hok, 'üxuktux kummuk, puxix 'ãxop 'ãnöy yïkopit, tu Topa yög xat'ax kopit kamah, yã 'ãkummuk. Tikmü'ün te Topa yög xat'ax kopit, puxix Topa tu' yïpkox 'ohnäg. ¹²Topap-xet te 'ãxat, 'üpa te hãmyümmüg, tup-xehnäg hã 'ühep xop xohix yög hãpxopmä'ax kopit putup, tu tikmü'ün kuxa kummuk xit'ax, nüy yänän tu' kuxa max tat, tu' kummuk mïy pax xop kix'ax. Yãy 'ãpe'ãpaxeh hok, nüy 'ãxape yög hãpxopmä'ax kopit, nüy Kunnix yög xop yïkopit. Kunnix yãp-xet te hãpxopmä'ax xohix kopit, nüy tu hãmyümmüg, pe yã' max, pe yã' kummuk.

Hãptup pe'ãpaxek-tögnäg

¹³'Ãxop te: “Pe hönhã, pa hãptup, kopxik mög kômën tu', nüy nox xihip, nüy hãpxop hãmenex, 'üyïy tayümak xexka punethok pop,” kaxïy. Nãy. 'Üg'ãpax: ¹⁴'Ãxop te hãptup yög hãpxopmä'ax yümmüg 'ohnäg! Tu hãmgöy putuk, yã hönhã' xip, tu hãpxip kutögnäg 'ïhã yãyxaxogähä', ha hãpxip kutögnäg 'ïhã 'ãxop xakix putup, ha kama yãy xaxogãp-tup. ¹⁵'ãpu hãm'ãktux kaxïy, hu: “Topa tek putup, kopxik müg mïy,” kaxïy. ¹⁶Pa 'ãxop te yãy mün xexka pe'ãpaxex, tu yãy mün xexka 'ãktux. 'Ap max'ah. ¹⁷Tikmü'ün te hãpxopmä'ax yümmüg, tu' mïy hok, puxix hãpxopmä kummuk.

Ūp-texop xexka pu hām'āktux

5 ¹Āp-texop, ūg'āpax nōmhā: 'Āpota punethok putup, 'āxūy tu'. ²Ōg tayūmak kunox, ha' kut te 'āxax kunoxyāhā'. ³Ōg tayūmak kutut te yāy koxyōy, 'āxupkūmīy hah, ha tikmū'ūn te' pēnāhā', tu 'ākummuk 'āktux putup, 'āxop te tayūmak punethok pop, tu yāy tu' xex. ⁴A 'āxop te 'ōg kāmānat xop pu' pago'ah, 'ūhām'ax yānān tu' pago 'ohnāg, yīy 'āxop kummuk 'āktux, tu Topa xe'ēgnāg pu hām'āktux, ha' xupak. 'Ok 'āxop te' xupak hok? ⁵Āxop te hāpkute'ex, tu 'āmuk xexka punethok mīy hām tu', tu yāy topmāhā', nūy xok, mūnūytut top putuk 'āxok putup, ha Topa te xa hāpkummugāp-tup 'ūyānān tu'. ⁶Yā 'āxop te' hok xop kix, ha hāpkummuk mīy 'ohnāg, pāyā' pu'uk, 'ūhok tu', hu' xakix.

Yūmūg xuxyā nūn'ax hip

⁷Ūkxape xop, yūmūg xuxyā pu yūmūg hip, put nūi, 'ūxuxyā xop te yāy yōg hāpxop hip, puyīy hāpxop ta punethok nūnnā yāy pet hah, hu tex hip, xix tex ti hip. ⁸Āpu 'ūhip kamah, nūy yūmūg xuxyā hip, ha' nūn putup mō'ka'ok, yīy 'ākuxa tuknōg hok.

⁹Ūkxape xop, 'āxupmāhiy kummuk hok, ka Topa 'āyīy'ax kummuk 'āktux, 'ūpa te hāmyūmmūg tu yūmūg yīka' xip, yā hāpxip kutōgnāg 'ihā' nūn putup. ¹⁰Topa yōg tik xop pe'āpaxeh, nōm xop te Topa pupi hām'āktux, tu tikmū'ūn pu' xuktux, ha Topa te tu yāy 'āxet'ax hōm, ha' xūy'ax hā' tot. ¹¹Yūmū'āte nōm xop 'āktux max, 'ūxūy'ax hā' tot hah, xix mōnāyxop hittap Yo 'āktux, yā nōā'tot punethok, yīy Topa te hamūn ha hāmmaxnāhā', yā Topa mūn max xe'ēgnāg, tu tikmū'ūn kuxa ka', nūy nōm pu hāmmaxnā'.

¹²Ūkxape xop, 'āte xa hāpxe'e 'āktux. Topa 'āxet'ax 'āktux hok, 'ihā hām'āktux xex, xix pexkox 'āktux hok, xix hām 'āktux hok 'ihā hām'āktux xex. 'Āpu hām'āktux kutōgnāg, hu: "Hamūn," kaxīy, xix: "Āmhok," kaxīy. Yā' puxi', ka Topa 'ākummugā', xate hām'āktux kummuk hah.

¹³Āxūy, 'āpu mōg, nūy Topa pu hām'āktux. 'Āhittup, 'āpu 'ākteh, nūy Topa max 'āktux. ¹⁴Tikmū'ūn pakut, puxix tik te 'āpēnā max xop xānā', pu Topa pu hām'āktux, nūy tu hep tox pux, 'ūpakut putox tu' pux, puyīy Topa 'ūhittupmā', yā yūmūg xuxyā te' hōm yāy 'āxet'ax, pu tikmū'ūn hittupmā'. ¹⁵Topa pu hām'āktux, 'ihā' kuxa mām ka'ok Yeyox kopah, puxix Topa' hittupmā', tu hāpkummuk mīy'ax xaxogā'ax, pu tu kux. ¹⁶Āpu yāy pu 'ōg hāpkummuk mī'ax 'āktux, nūy tu yāy pupi hām'āktux, puyīy Topa 'āhittupmā'. Pūyā' kuxa mām xop xohix yāy xape xop pupi hām'āktux Topa pu'. Ha Topa te tikmū'ūn yōg hām'āktux 'āpak, ha 'āxape kuxa te Topa xak, puxix Topa hām'āktux 'āpax. ¹⁷Mōnāyxop hittap 'Enit te Topa pupi hām'āktux, tu yūmūg putuk, tu Topa xak, tu nōm mūtik hām'āktux ka'ok, tu tu' xak, pu tex hok, ha hāmyāxatamuk 3 hā xi' xahix tex ti 'ohnāg, ha hāmnaq mō'nāhā'. ¹⁸Ha xe Topa tu' xak, ha tex xat, ha' tihī', ha hāpxop punethok nūnnāhā'.

¹⁹'ũkxape xop, 'ãxop te Topa yõg putat xak, ha ta 'ãnõy te putpu 'ãmõgãhã', xayĩy Topa yõg putat hã mõg 'ũxexheh, puxix 'ãnõy xa ha hãmmaxnã'. ²⁰'Ūxaxok hok: Tikmũ'ũn te' nõy mõ'nĩynãm, puyĩy hãpkummuk mĩy kux, ha ta hãpxopmã max, ha nõm mõgã max Topa yõg pũtat hã, puyĩy hi xe'ẽgnãg. Ha Topa te' yõg hãpkummuk mĩy'ax xaxogãp-tup, pu tu kux. 'Ap Hãmgãyãgnãg Pet ha' mõg putup'ah 'õhõm. Tu ta tu' kux.